

湖

南

通

志



湖南通志人物目錄

長沙府

湘鄉縣

賀久邵

章國茂

沈學黃

謝天膺

謝天荳

鄧璽

彭心鑑

湖南通志

蕭智湖

王美明

張眉大

劉榮封

蔣湘培

李罕

曾國藩

易桐

賀洪熙

羅澤南

劉兆龍

鄧文泮

劉邦璽

蕭魯一

王永泗

趙子鎬

黃宜中

黃齊雯

劉象賢

龍驥

簡恆

彭閻

成毅

左仁

鄧士壯

孫光裕

王

金

黃宜載

易貞言

傅拔英

劉通侯

黃崇階

李仁睿

張正笏

鄧平準

黃燐

謝振宇

謝振定

蔡世瑣

蔡世瑣

董惟

彭洋中

吳榮緒

朱祥仁

王

金

王孝治

李芳燦

易最

李鎬

謝如尙

葛山蔚

陳德辨

龍孔然

羅國俊

黃齊煥

謝振定

謝振定

謝振定

謝振定

謝振定

謝振定

謝振定

謝振定

謝振定

湖南通志卷二百八十一 人物目錄 湘鄉

劉騰鴻

李續賓

黃澤遠

潘家馥

曾貞幹

何述益

劉世仲

陳文中

彭隆璜

歐陽端

湖南通志

易棧大

童秉剛

胡中和

李濟清

張仁泗

楊清源

文泰勝

徐文秀

蕭恆勝

賀廣興

鄧榮達

洪致祥

文友勝

蕭實林

周盈瑞

李篤英

成大吉

周寬世

蕭孚泗

王萬友

李名魁

劉芳桂

李定元

陳福萬

譚舉臣

劉篤志

彭福山

李揚隆

張勝祿

毛福益

曾桂世

李雲

易景照

曾國華

蕭啟江

王開化

陳復勝

張權英

唐自陶

彭周南

沈枚芳

李澤鴻

蕭斌廉

龍卓然

戴玉聲

毛治國

易開俊

周國勝

劉成秀

毛福益

曾桂世

李雲

李雲

李雲

湖南通志卷二百八十一 人物目錄 湘鄉

二

陳裕英	洪輝堂	胡發達	鄭岐山
譚胡襄	戴貴發	張三湘	呂春元
文良才	黃福昌	黃長發	彭星占
李續宜	劉嶽昭	蔣益澧	易其虎
王文瑞	張恆祥	楊安臣	王開來
王勳	文翼	曾席珍	毛有銘
王沐	歐陽正埔	易良豹	舒翰
彭緒環	左樞	彭玉山	成茂清
熊建益	賴榮光	張運蘭	蔣凝學
文恆久	王紹義	何勝必	蕭餘勝
湖南通志卷一百八十一 人物目錄 湘鄉 三			
丁長勝	洪良輝	蕭德綱	蕭秉乾劉秉
蕭慶高	蕭德揚	蕭長青蕭集	彭毓橋
葛承霖	賀國輝	王東林	王仕益
左輔堂	李祥和	舒義志	潘鴻壽
譚國泰	張詩日	劉長槐	易德麟
劉松山	黃萬友	易盛巖	彭獻傑
何如海	龍在田	彭慶瑞等	易普照
陳光孚	周華堂	毛丁山等	劉慶輯
陳詠沂	李登階	劉詠仙	朱瞻雲
李景均	毛濟美等	彭緒堯	杜庭光

人	喻福慶	易福陞等	許濱國
毛家發	李蘭桂	姚美倫	洪德勝
月	胡太旂	李玉田	陳楚光等
李竟成	賀國楨	尹定友	張龍翔等
鄧榮建	王華堂	王星月	毛有貴
鄧福泰	彭光友	羅興	李雲祥
王世泰	李大樞	章繼光等	陳品南
朱品文	周萬倬	曾正明	康必勝
張運桂	沈寶成	賀光耀	潘復訓等
謝光晉	朱南桂	陳東友	鄧長里
湖南通志卷一百八十二 人物目錄 湘鄉 四			
馮榮桂	蕭慶溢	李光明等	成漢
周福照	龍雲門	劉生瑞	李奏勳
彭光俊	賀廣澤	楊道達	李續侃
謝仁祥	劉玉春	文國賓	陳斌
歐陽昌煌	子正城正	劉蓉	賴由海
易宗瀛	蕭校信	顏應星	王文鼎
陳長泗	吳禹明	曾廣淵	陳照照
顏百耆	梁友奎	彭尙勳	潘照魁
王守策	趙百明	李仁棠	譚興平
王學士	賀珪	彭朝紹	彭永典

謝輿配	黃仲邑	蔣鴻桂	朱祖琨
熊秀春	廖章昇	陳元品	程大霞
葛大賓	王泰山	張華遂	郭達巷
聶宗賦	翁名曜	羅嘉桓	李澤豈
鄧世涓	曾光湖	李義修	李泰交
彭亮	宋士拔	周世珍	龔尙達
左烈	章鳳慶	彭夏泗	李仕標
彭榮富	黃若祖	周世祠	廖應珪
蔡全忠	黃世文	蕭朝福	沈成慧
沈啟賢	朱衣	廖學文	成夢璜
湖南通志卷二百八十一 人物目錄 湘鄉 五			
劉東貴 子象履象	彭祖與	劉象觀	
李元富	彭宗虎	熊世楚	蕭智淵 弟智漢
陳在彬	劉必闢 子有時孫振宗	李世鳳	譚維富
李惟一	程大閭	李再信	陳道
蕭紹梧	朱增華	郭再信	謝侃如
康景暉	王命新	李續誌	廖玉春
蕭肇竣	袁萬魁	沈輔廷	沈字先
姚子賢	劉江純	陳德理	黃棟開
張全茂 子海雲	龍昭瀚	王燦 子宗龍	張雲階
曾福益	賀明書	姚興潼	羅拱義

文年傑	王隆崑	姚春芷	梁友明
毛廷幟	張全備	曾紀鴻	
湖南通志卷二百八十一 人物目錄 湘鄉 六			

湖南通志卷一百八十一

人物志二十二

國朝七

長沙府

湘鄉縣

賀久邵字伯雍明萬歷戊午舉人由浙東推官轉戶部主事入

國朝授口北僉事道修城垣飭守備擢湖西參議時江右初

闢人情危疑久邵戢兵安民賑飢寬役民愛戴之內艱歸卒

劉兆龍字六馭順治中歲貢經略洪承疇薦知興安縣時版圖

初入城無居民乃招集開墾躬稼自給擢知海州海寇李二和

湖南通志卷一百八十一 國朝人物 湘鄉 一

尙就擒當事議大辟兆龍曰恐阻向化心宜釋之以安眾志從

之海盜悉平有爭產者遺以饗酒開視悉白金揮之於堂民益

憚服年八十餘猶能燈下作蠅頭字布衣蔬食以終

黃宜載字安齋雍正乙卯拔貢以州判發浙江陞平陽知縣營

奉檄賑諸暨清核戶口不浮不漏實惠及民知歸安修西湖書

院以興學校平陽故海濱有商被劫營弁慮限緝將逾賄鹽犯

自首誣晉江漁戶夥劫執獲薦一席以實之宜載以稷薦乃海

舟所常有不足據卒平反之嘗偕同寅劉某購船漢口劉病卒

經營歛殯代繳所購鉛斤且厚賻之得歸葬乾隆十六年辦

南巡大差 賞紫貂緞疋并加一級二十二年再 巡時已落

職例得迎 鑾奉 旨開復原官

王孝治字青溪乾隆辛酉舉人初官通道教諭縣有瘠人分居

四里八寨四里歲入徭生二名而八寨不與孝治力請於學使

增八寨徭生一名由是益知嚮學擢雲南知縣署鄧州州東湖

時有水患民田多廢七次修之皆不就孝治築長隄開支河日

赴工所親督之數月而功成廢田俱成沃壤計畝萬有二千其

令太和也開渠引水注田四時不竭民稱青溪渠誌弗諼也陞

鎮江知州病歸卒年七十有三

章國茂字石塘乾隆丙子舉人以知縣試用借補宿州州判分

防河隔無潰決患時詢民間疾苦訊重囚輒泣下其卽事詩云

湖南通志卷一百八十一 國朝人物 湘鄉 二

水來天上狂須挽蝗起田間自難百里趨工忘足爾幾回問

俗轉心寒其自述如此卒年七十有八

鄧文津字筆山乾隆丙戌進士選庶吉士授檢討擢御史庚寅

典試四川門下士多歷顯宦辛卯分校禮闈得山左一卷詫爲

奇才及揭曉乃宿儒周永年也大學士劉統勳稱爲巨眼由掌

科存陞鴻臚寺卿卒於官年五十有一先是父崇鎬就養在京

得與千叟宴人以爲榮

易貞言字內美諸生九歲失怙哀毀如成人廬墓三年戊子馬

賊寇湘祖老病難行貞言棄幼子負祖入密篠中獲免父遺產

悉讓諸弟視從子如己子建宗祠修族譜置義田捐義冢賑荒

焚券善行尤多前後三舉鄉飲賓年逾八十猶手不釋卷康熙五十一年以孝旌雍正二年入祀鄉賢祠四年入忠義孝弟祠子宗湛字公申監生遵父行敦孝友親沒哀毀逾常廬墓三年哭奠如初喪自少好學博極羣書乾隆元年舉博學鴻詞充慎郡王府教習七載歸書世孝二字贈之其廬墓一圖名流題詠成集十四年奉旨旌表建坊年逾九十祀孝子祠著述見藝文志

李芳煥字葵生未弱冠遭亂父母俱被掠芳煥號泣棄家至貴州營潛負父歸復於寶慶鄉村尋母還家親疾侍湯藥祈以身代歲飢負米數十里外奉養無缺比沒葬祭如禮兄弟三人俱湖南通志卷二百八十一國朝人物湘鄉

沒於兵咸獲歸葬撫兄遺子培春如己子建祠睦族捐義學田助諸生膏火施義冢還遺金歲大旱捐米助邑令施粥賑飢全活甚眾乾隆七年旌表入祀鄉賢并忠義孝弟祠

沈學黃字恭宇明季流賊擾湘學黃隨父匿山中忽遇賊俱被執炙其父以索金學黃急給賊曰請釋歸取金夾賊信其言釋之久不至賊怒遂炙學黃身無完膚賊以為死棄之去學黃得免順治壬辰大飢鄉人多質子為奴以易粟學黃悉遣還仍出粟賑之

劉邦璽字蘊軒年十三會流賊擄村落繫其父至新化之黃陽山邦璽哭追乞以身代賊俱釋之

傅拔英字明光順治間有兵掠鄉過挾其弟與同行不從欲殺之已拔刀相向矣拔英趨至泣曰弟有罪責在兄請殺我其弟亦不忍兄之代已也爭就死拔英乃以目眇弟令其去弟逸兵遂殺拔英

易最字汝眉諸生年少能文事寡母以孝聞母卒最年六十哀毀骨立歲飢捐穀三百石以賑鄉黨

謝天廕字茂對幼失怙哀毀如成人善事母思有以慰之益自奮勵年十四入學為諸生其後置祭產恤外戚皆曲體母志也以湘邑田賦積弊已久乃縷陳於巡撫董衛國復贊知縣李玠均都分區除飛灑欺漏之弊他如闕歲飢完破鏡橋梁義冢不湖南通志卷二百八十一國朝人物湘鄉

惜重金年逾七十卒乾隆間府縣舉其孝行蕭魯一少孤事母孝母卒廬墓三年既除服族鄰力勸歸家次日復往見大蛇蟠墓上張口欲噬之歎曰豈母靈不許我更住乎號泣而歸

劉通侯母年八十病篤醫藥罔效乃割股肉為糜以食之立愈又十年而母卒

李錦字宅是例貢生少有至性侍父疾衣不解帶者半載嘗遊學京師母病於家錦忽心痛亟歸視湯藥不懈居喪哀泣淚盡繼以血與弟鈐友愛甚篤終身無疾言遠色鄉里稱長者謝天誌字培先年十二遭父喪哀毀逾禮事母易氏承歡順志

數十年如一日母卒負土成墳遇忌日常泣下念高曾邱壠星散久將無稽圖其形勢及窆葬年月彙爲一帙梓之題曰孝慈圖考又糾宗建祠置義田周人之急不望報一門之內友愛尤篤

舊志

王永泗字東川三歲失怙事母劉最孝嘗與劉鷲洲讀書梅山忽語劉曰母老善病朝夕關待詩書誤我矣言訖泣下乾隆壬申舉於鄉念母老不欲北上母促之行勉強就道在京病劇夢囁喃喃如會母語八月十九日卒母在家先一日卒母子精魂數千里戀戀若此沒後發笥得近構南窗稿皆憶母詩也黃崇階字升吉監生未晬失怙事孀母色養無違府試聞母疾湖南通志卷一百八十一國朝人物 湘鄉 五

徒跣歸半道有橋被水淹泣禱忽露橋影獲濟至家疾尋愈遂攻醫湯藥丸餌恆手製及居喪葬祭盡禮茹蔬三年寒暑不釋衰經年逾八十每年躬親展墓尤好義急公邑有大修建悉竭力經理歲飢約眾釀金於鄰邑運穀接濟知府沈某以矢誠報國旌其廬子五齊雲舉人齊煥進士齊斌齊爛 恩貢生齊

敗廩生

舊志

謝如尙字北窗廩生天都長子父治家嚴如尙先意承志得其歡心母易氏邁疾祈以身代夜夢神人賜藥翼日卽痊親喪哀毀逾常廬墓三年生平不履公庭好義樂施乾隆間舉孝行鄧璽字蒂玉家貧力學救水承歡嘗值二親同病久淹歲月手

調湯藥朝夕不離左右中牀廁必身自浣滌居喪哀禮備至既葬廬墓三年忌日悲號至老不輟嘗主東臯講席晚年歸山杜門著述

舊志

趙子鎬父天孺病篤衣不解帶祈以身代善事繼母親沒廬置祭田異母弟四人友愛無間捐資濟急凡數百金乾隆三十二年儒學舉其孝義李仁睿字明軒監生幼出爲從叔鐘後事母四十餘年人無聞言節母旌典實田產爲之建坊母年七十棺衾塋域皆豫辦故仁睿雖先母五年卒而毫無遺憾本生母離居里餘日往定省及沒哀毀骨立兄仁直仁積繼逝遺孤俱幼教養成立湖南通志卷一百八十一國朝人物 湘鄉 六

湖南通志

卷一百八十一

國朝人物

湘鄉

六

八

生平慷慨尙義置祭田設津梁不惜重費葛山蔚字大梁監生父早喪事母孝謹仲兄家負債山蔚體母意遺銀數千兩不足又自鬻田以濟之母年八十餘卒時山蔚年六十葬祭盡禮長兄蚤逝撫孤姪教養婚配如己子仲兄無後以子嗣之

舊志

彭心鑑字士衡雍正甲辰進士官廣東仁化知縣嘗受知於漳浦蔡世遠其之粵也贈詩以勉之心鑑賦性鯁直修邑乘不徇私好以不合時宜改補桃源教諭卒於官黃宜中字衡齋乾隆丙辰舉人壬戌明通進士先是其父燐嘗著十三經臆義未竟而卒宜中次第補成會奉詔採遺書以

周易尚書上之邑文廟故濱河乾隆初遷建於城南黃甲嶺宜中實倡其議既成以舊基改爲漣濱書院又自捐學田備祭器購書五千餘卷藏之學舍後官安鄉教諭遷襄陽教授澧州襄郡二志皆經手定家居建宗祠修族譜嚴立家約並置田以助祭費巡撫陳宏謀雅重其人書注心立達四字贈之年九十卒

著述詳藝文志

張正笏字書思壯歲兩中副榜益自刻勵會課成均祭酒胡宗緒深器之乾隆壬申舉於鄉官武陵教諭師範肅然有子七初做古七業法各授一經後互相討論諸經皆淹貫嘗評選攸縣陳之駉衡陽王敬邵陽王元復車无咎文合爲楚南四家湖湘湖南通志卷一百八十一國朝人物湘鄉七

之士翕然從之著書見藝文卒年八十有五

志

陳德辨字一齋少失怙事節母以孝聞爲諸生卽潛心正學雍正戊申拔貢乾隆甲子舉於鄉既落第以母老家居授徒嘗講求朱子讀書法及胡安定經義治事之學又謂學者必先嚴義利之辨凡寒士受業者卻其贊轉資其膏火截取知縣改澧州學正教士先德行後文藝終任不名一錢歸日諸生泣送之蕭智湖字石渠乾隆壬午丁酉兩舉副榜第一肄業國子監以親老不俟報滿而歸初署麻陽教諭前任樞猶在署賴其厚贖始得歸繼署甯遠訓導作舜陵考學政錢澧極賞之後補慈利教諭解組歸杜門課子生平篤於內行事繼母如所生卒年七

十有二著述見藝文子仲信字吉友廩貢生歷官巴陵澧浦鄧縣訓導從兄某早世撫其子女如已出族有孀婦頻遭外侮力爲保護而勉其子以正業修葺家祠倡置祭田邑溪口舊有陳烈婦墓濱河日就圯糾集多金從石隄以衛之黃齊雯字舜卿乾隆癸卯舉人早喪母事父孝謹官安仁教諭

志

以端士習正風化爲己任有劉某妻馮氏歸甯其父兄鬻爲巫姓妾馮不可巫夜劫之去馮以死自誓巫不敢逼夫鳴諸官方待訊齊雯嘉其義紀以詩一時傳播遂得保全以艱歸主講漣濱書院後截取知縣以年老未赴卒於家著述詳藝文

志

鄧平準字漢書諸生兩躋秋闈遂棄舉業其學一以孔孟爲宗湖南通志卷一百八十一國朝人物湘鄉八

志

閉戶三十餘年著四書翼註二十卷侍郎羅國俊爲之序晚年日手朱子小學程子易傳周子通書玩索不置而於太極圖說西銘皆有注所著書數十萬言以無力赴梓藏於家注西銘時病已亟猶呼其孫錦於榻前口授之卒年七十二龍孔然字簡卿明崇禎丙戌舉人洪承疇延至幕府辭不就卒年九十二

志

王美明崇禎中建永豐橋順治中修廣濟橋以平天王寺寇功授麻陽守備

志

劉象賢領鄉薦事寡母以孝聞有姪少孤象賢教育之不異己

子

志

黃燐字暘谷棣開子與弟輝相友愛每朔望同率子姓謁宗祠講求倫理燐子宜中乾隆丙辰舉人壬辰由明通授安鄉教諭遷襄陽教授燐注十三經義疏未完書卒宜中踵成之燐子宜載由拔貢官鹽大使

舊志

羅國俊字賓初乾隆己丑進士入詞垣尙氣節恥奔競遇事無所依回充國史館纂修官時執政有欲改易起居注舊例者上書爭之同官服其切直庚子分校順天鄉試所拔多知名士平居接引後進傾襟推轂英俊樂遊其門歷春坊贊善中允陞侍講侍讀學士高宗幸熱河特旨召見許乘傳馳赴既至

賜對行殿詢及家世甚悉凡扈從廬吟之章操觚立就嘉慶

湖南通志

卷一百八十一 國朝人物 湘鄉

九

八

二年由詹事擢內閣學士遷禮部右侍郎轉左卒於官年六十

有六

張眉大字五渚乾隆己卯舉人官激浦訓導選開建知縣值久旱到任甘雨隨車士民建來雨軒頌之縣署中舊有妖連喪五官白日大石自空下爲文祭之妖遂息興立義學政簡刑清七年無大獄去任時僅端石數枚壓裝而已奉檄採辦滇銅經理得法藏事甚速著運銅事宜一卷署海防同知清釐關稅商旅安業營分校秋闈兩主司詢以疑義辨決如流皆歎服旋陞儋州擒獲洋匪平反數十案積逋一清時大興朱珪撫粵暇則延入署中從容論文年逾六十致仕歸

舊志

龍驤字三峯乾隆乙酉舉人以知縣發河南歷署汝陽嵩葉夏

邑臨穎縣事補郟城初知嵩甫下車首除稅政十二事會大旱

且蝗驪禱之雨立至而蝗亦出境民有所雨雨來祝蝗蝗徙之

頌在夏邑歲大饑不俟請而開倉賑或難之驪曰以賑去官夫

何歉若待請則民已轉於溝壑矣民感其德及秋穫悉輸還之

郟城地當通衢且有蘭儀睢汎河工驪理繁治劇布置裕如已

酉分校鄉闈稱得士後引退歸家居二十年卒年七十有八

謝振宇字元亭乾隆甲午舉人由四庫館議敘以知縣發山

西歷署猗氏馬邑黎城崞縣甯武神馳等縣補授五寨循聲大

著卒於官弟振著舉人振定自有傳皆受其教而成名者也

湖南通志

卷一百八十一 國朝人物 湘鄉

十

八

黃齊煥字采臣乾隆庚戌進士知懷安縣居心慈惠未嘗輕笞

一人地當孔道雖差務絡繹而嚴禁胥役不以苛派擾民邑舊

有山崇每見則多冰雹禱於神崇遂不見會大旱禱雨郭外忽

元壇廟側有泉湧出而雨亦隨注眾以愛民所感改官內閣中

書充文淵閣檢校以勤慎著卒於官

舊志

劉榮封字肇錫父大珪好善舉造渡船施棺木歲饑周濟鄰里

邑中洙津渡建石橋捐金三百兩榮封持己方正言笑不苟雖

燕居必整衣冠尤喜扶進善類康熙戊寅拔貢生官臨武教諭

屢列保舉辭不就知縣秦周表其閭曰孝廉方正

舊志

簡恆字久也康熙中歲貢性慈祥惟以利濟爲事邑有前明墮

樺之苦恆力請於大府得照道州科則核減爲累稍輕官未陽
訓導覓得士心舊志

謝振定字鄉泉乾隆丁酉與兄振著同舉於鄉庚子成進士官
編修戊申典試江南改江南道御史巡視南漕人瓜儀糧艘阻
風禱於神得濟疏請建風神廟嗣是渡江風輒順人呼爲謝公
風嘗兵科給事中巡東城有乘違制車飛馳於道者執而訊之
則和珅妾弟也勢橫甚立杖之焚其車竟坐罷職嘉慶己未
特旨起禮部主事應 詔言事條陳甚悉甲子遷員外郎典試
陝西尋充通州坐糧廳修公廨革陋規會夜半漕船火官吏多
束手親率僕徒步往救火遂熄康家溝向苦龍患鎮以鐵釜爲

湖南通志卷一百八十一 國朝人物 湘鄉 士

文祭之隄乃合所修張灣故道開渠溫榆河皆利漕運生平
篤於風義在京師修鄉先正明李文正公祠墓又置義地以厝
同鄉旅櫬師友中有貧不能葬者葬之著有知恥齋詩文集年
五十七卒於官入祀鄉賢祠子興曉字果堂嘉慶己卯進士由
庶吉士改官寶豐知縣升陝州知州時豫匪號曰紅鬍子恣爲
民患以計擒治之並力行團練法互相救應賊入境皆被獲遂
相戒不敢犯卓薦入都 宣宗垂詢家世興曉以父名對 上
曰爾乃燒車御史謝振定之子乎嗟賞久之擢敘州知府以勦
辦夷匪功 賞戴花翎旋調成都府護鹽茶道性強直不阿附
以是積忤上官因事罷歸興曉弟興恒官安溪知縣恒子邦鑑

字吉人道光乙巳進士官高澹知縣抵任甫四月病卒舊志
蔣湘培字篤因年十二與父開泰同入縣庠長益博聞強識古
文下筆千言乾隆甲寅舉於鄉弟湘埔字之翰壬子舉人湘城
字子蕃湘垣字師大嘉慶戊午同榜舉人垣登乙丑進士皆師
事湘培並有文名時稱四蔣方湘墉舉榜首時主考戴衢亨深
以得人爲幸先是兄弟同構一樓爲讀書處題曰莫如合刻詩
文仍以樓名之猶初志也舊志

蔡世瓚字玉階嘉慶庚午舉於鄉尋主講溇濱課讀甚嚴兄世
瑛作宰雲南世瓚從往自後詩文彌工人以爲得江山之助其
賀滇南奏凱詩尤爲總督伯麟所賞舊志

湖南通志卷一百八十一 國朝人物 湘鄉 士

萬人望字蔚然乾隆甲子舉人家貧力學事親以孝聞爲文苦
心孤詣有志於古作者學政阮學浩主考吳紱咸器之公車北
上同里王孝廉在都患病人望親調湯藥既沒護柩南還送至
其家口不言勞生平文稿多散佚其僅存者人猶寶之舊志
李罕字芝圃乾隆壬子舉人以知縣發四川初署彭水甫下車
擒治嚙匪七人茲究斂迹會有人道斃而凶不知名驗之身有
簿記知爲貿易者密訪之則索債於廖某者也檢視公呈廖某
固在乃傳訊之廖大駭服曰吾知罪矣雖然是嘗入吾家而侮
吾妹吾忿而斃之也獄遂定再調仁壽邑有聶某嫠婦子也以
誣繫獄經七官不得直罕按舊牘則詞證已具訊聶則極口稱

冤問有仇乎曰有郭某者匿土豪家迹而得之一訊即服蓋郭殺人而賄證以誣聶也遂釋聶而置郭於法

舊志

彭閭字藥谷嘉慶戊午舉人以知縣發山東署肥城縣事甫下車值歲旱步禱牛山得雨民歌頌之嘗平反罪疑擬決者六人脫無辜受累者以百數臬司嘉其能

縣志

蔡世瑛字琢軒嘉慶辛未進士官雲南知縣調甯洱擢雲州知州再移南安所至多惠政初權晉甯滇中故有煙瘴又值時疫染者多不起世瑛禱於神疫遂止知甯洱苦雨傷稼年穀不登倡捐廉俸購米於鄰近活民無算值歲歉籲上官借支帑項採買平糶民無菜色三次分校鄉閭皆得士居官二十餘年不名

湖南通志

卷一百八十一

國朝人物

湘鄉

一錢

舊志

謝興宗字蘭軒道光壬午進士知浙江義烏蕭山縉雲金華諸縣事所至有聲在義烏有人被殺而凶無主名既往驗觀者環集見一人獨股慄失措命執之一訊而服人驚為神在蕭山某紳訟直厚餽之宗曰以理直奚謝為且事後可謝事前即可處也卻之縣有臨浦龜山兩鎮聚博為盜竅宗出不意擒治之風頓戢縉雲民多通賊宗至緩徵比清案牘暇則課士書院延問父老疾苦民樂其寬爭輸恐後新舊皆如額在金華監司某以查帑啊喝或諷以餽遺不可則怒欲中以法無所得乃止戊子分校鄉閭稱得士外艱歸遂不復仕子寶鏐進士官戶部主事

加員外郎銜

縣志

曾國藩字滌生道光戊戌進士官檢討癸卯典試四川乙巳分校禮闈以大考優等累遷禮部右侍郎咸豐初元屢陳正議以懲直稱王子典試江西途次聞母訃歸時粵匪自長沙渡洞庭陷武昌循江而下土匪亦大肆劫掠 朝命治團練乃募鄉勇東伍號曰湘軍三年遣援江西解南昌圍時逆首洪秀全已踞金陵據長江之險非舟師無以制其命乃造舟鑄礮創立水師明年成軍水陸東下初少挫繼乃大捷於湘潭復岳州克武昌破田家鎮斷橫江鐵鎖乘勝圍九江進規湖口會水師陷入鄱陽湖鄂督喪師武昌再失乃悉銳師馳援而自督師攻九江已

湖南通志

卷一百八十一

國朝人物

湘鄉

古

又

而偽翼王石達開等分道犯江西連陷八府五十餘州縣文報不通五年移駐南昌孤軍拒守會援師大集分路進兵竝屯軍貴溪以護浙東餉道而湘鄂路通軍威復振七年以父憂歸八年奉 命援浙其時江西九江諸郡縣皆經湘軍克復將由建昌入浙九年駐撫州攻克浮梁景德鎮旋奉援川之 命未行又 命援皖遂駐宿松克太湖十年四月以 欽差大臣總督兩江督辦軍務遂駐祁門時值蘇浙淪陷休祁大震乃調霆字軍一戰而解圍十一年八月克安慶 詔加太子少保并節制江蘇安徽江西浙江四省軍務累疏辭同治元年正月元日拜協辦大學士是年水陸兩軍大舉東下湘軍抵雨花臺攻江甯

楚軍達衢州援浙江淮軍出上海規蘇常而水師往來策應爲陸軍聲援三年蘇浙以次戡定六月克復江甯詔加太子太保封一等毅勇侯世襲罔替賞戴雙眼花翎當是時江南平而捻匪又熾會科爾沁親王僧格林沁薨於軍奉命馳勦四年赴臨淮駐徐州五年駐濟甯又駐周家口皆扼要截擊十月命還兩江六年授體仁閣大學士以捻逆平加一雲騎尉世職七年授武英殿大學士七月移督直隸陛見賜紫禁城騎馬八年二月莅任會天津有民教構衅事懋解之事遂息九年奉命仍督兩江至則飭吏安民儲將練兵謀國益勤而疾作矣十一年二月卒於官年六十有二遺疏入上震悼

湖南通志

卷一百八十一

國朝人物

湘鄉

五

人

贈太傅 賜卹典 特謚文正入祀京師賢良祠昭忠祠兩湖兩江及直隸天津府各建專祠國藩目入翰林時卽與長白倭仁善化唐鑑師宗何桂珍六安吳廷棟講明正學灼然於義利公私之辨而自治甚嚴律已律人心先廉潔取與之間一介不苟其治軍則不分畛域湘鄂江皖蘇浙諸軍聯爲一氣然於節制四省之命則固辭不敢受其決策進取堅定不移如東征皖江則建三路進兵之議北剿捻匪則建四面蹙賊之議其後成功皆如其策生平留意人才先後薦達文武皆一時之選迭奉諭旨令舉封疆將帥奏督撫既握兵柄不可更執朝權宜防外重內輕之漸兼杜植黨樹私之端其小心寅畏又如此所著

述詳藝文志子紀澤襲一等侯以出使大臣官兵部右侍郎紀鴻賞舉人以郎中補兵部武選司孫廣鈞賞舉人廣鐸賞員外郎廣銓賞主事

志縣

成毅字忍齋道光戊戌進士以知縣改官岳州教授嘗患師道不立至則集諸生教以禮法每課士諄諄以通經適用相勸時外夷內侵沿海震動當事徵兵籌餉殺日與同學講求時務如海疆團練錢法諸大端皆著有論議嘗倡修文廟文昌閣補葺岳陽書院添設城廂義學并置義田以資修脯生平博學工古文淡於名利而表章節義則不遺餘力以疾歸卒於家訃至岳州多士立主祀之

志縣

湖南通志

卷一百八十一

國朝人物

湘鄉

太

人

董帷字西圃甫時喪父長事節母能得歡心嘉慶丙子舉於鄉屢主漣濱東臬講席循循善誘多所裁成選武陵教諭會大水潰隄奉檄勸捐並監修城隍凡三載敘功加州同銜列卓異年七十卒於官

志縣

志縣

足不履城市以求已名其齋縣志

左仁初名輝春字青峙道光戊子舉人以知縣發南河歸江蘇補用初署睢甯浚白唐河民賴其利在宿遷會河水暴漲城隄垂沒親率丁夫搶護泣禱於神水遂退高郵占最衝州也時逆夷犯海疆淮海盜起仁練民爲兵捕治之境內肅清而高郵屹然爲兩淮重鎮流民多依之其後禽海盜及沐陽盜皆用民兵江蘇漕政久敝而震澤尤甚仁至先訪一大猾重懲之吏民大恐輸將相繼一月而畢其治南淮銅山亦然時粵匪東竄江南方用兵嘗一月兼佩淮徐道以次四印學政又按臨簿書山積仁判發雨下偵吏皆駭服先後決疑獄以百數人稱明察分校湖南通志卷一百八十一 國朝人物 湘鄉 志

鄉闈者四皆得人以卓異遷邳州知州未之任旋擢知府大吏以仁前在震澤有能名仍令兼攝之以病引退未幾卒縣志

彭洋中字曉杭道光戊子舉人初官邵陽訓導時新甯徭倡亂勾通粵匪竄慶實始用兵洋中知寇患將萌首條列保甲團練諸法上於郡守且請積義穀力佐行之其後石逆圍寶慶堅守三月卒能待援兵以解圍者積穀之力也川督駱秉章疏調檄令總理通省釐務先後籌餉數百萬積功以知府用加道銜及署潼川會歲飢鄰境遏糶乃力請通飭弛禁而自運米以活民居半載卒於官生平篤於內行能爲詩古文詞著有詩文集見藝文縣志

吳榮楷字春岡道光辛丑進士以知縣發浙江初知嵊縣革陋規理庶獄案無庸賄調武康值連年水災議賑乞緩籌辦裕如旋以卓異調補餘姚縣多通賦榮楷善撫字民樂輸將浙中報銷推爲第一再調海鹽至則挑修海塘一月工竣榮楷居官才優守潔尤喜振興士類兩次分校鄉闈能得人官武康最久去任時猶賈贈千金以爲寶興之貴士林歌頌之縣志

賀洪熙原名勳字石農道光癸卯舉人以知縣發四川署雷波廳常苦夷擾至則召募壯丁夜宿營帳與士卒同甘苦時出不意攻其巢夷斂迹補郫縣縣多囑匪畏其嚴明率遠遁時粵匪犯蜀而石逆所部尤桀驁屢竄郫洪熙嚴練民兵以禦斬獲甚湖南通志卷一百八十一 國朝人物 湘鄉 志

多遂相戒不敢犯歷署宜賓清溪江津諸縣皆有善政縣志鄧士壯乾隆壬申武舉以千總分發貴州歷署七任皆稱職以訪獲逃軍議敘加級三十四年隨征緬甸屢著戰功卒於軍賜卹如例孫光裕由廕生中嘉慶己卯武舉官益陽千總道光三十年在靖州馬路口陣亡光裕長子聯芳由武生拔外委以救父力戰同時陣亡芳弟聯科武生以外委調赴廣西從提督向榮追擊粵逆轉戰鄂皖攻金陵以功授廣西全州參將賞戴花翎擢副將咸豐九年攻六合縣紅山窰賊學陣亡光裕從孫永清以都司賞戴花翎同時被執遇害永清弟永勝亦都司賞戴藍翎同治元年在清江浦鹽河陣亡光裕從子聯魁

隨征金陵積功官守備 賞戴藍翎同治三年在營病故自光裕以下一門之內十餘年間死王事者相繼皆自士壯一人倡

之光裕及其二子皆議

卹如例錄

朱祥仁客陝西洋縣因教匪迫脅不從遂被害嘉慶十九年奉

查族屬旌其里

縣志

羅澤南字仲嶽號羅山咸豐元年以廩生舉孝廉方正二年粵

逆犯長沙澤南倡率生徒力辦團練時曾國藩奉 命督治團

防駐衡州澤南以湘勇隸麾下勦草市及桂東土匪三年夏援

江西克泰和安福師還平 永興油榨墟股匪四年回衡州再平

草市土匪初澤南所帶湘中營僅三百六十人至是益之爲五

湖南通志

卷一百一十一

國朝人物

湘鄉

九

百人會賊由鄂上竄陷湘潭既敗遂遁岳州時楚軍水陸東下

夾攻之澤南獨扼大橋當賊衝連戰皆捷復岳州進駐江夏會

曾國藩於紙坊商進取澤南建議以提督塔齊布軍出洪山自

請攻花園濱江堅壘而水師並蹙之甫七日賊棄城走武漢皆

復先由訓導海羅知府 賞戴花翎至是補浙江甯紹台道旋

以田家鎮半壁山之捷加按察使銜又以克復廣濟黃梅 賞

葉普鏗額巴圖魯既而南渡攻九江規湖口而北岸諸軍失利

賊襲據小池口連陷黃廣諸縣武漢復失五年曾國藩駐南昌

檄援饒州於是弋陽廣信浮梁義甯諸城以次克復加布政使

銜 特給封典並 賜珍物澤南克義甯後以東南大局必先

平崇通復武漢而九江乃可下上書曾國藩因奏令回援所過

通城崇陽蒲圻咸甯皆復之遂達武昌與巡撫胡林翼分路進

攻附城賊壘鏖除殆盡忽以乘勝追賊直薄城下額受鎗傷六

年三月卒於軍事 聞照巡撫例議 卹諡忠節並於湖南湖

北江西各建專祠同治元年 賜祭一壇三年後克復金陵

特旨加一雲騎尉澤南篤志好學通達時務在軍毅然以滅賊

自任臨陣以堅忍制勝如其爲學生平著述見藝文澤南門人

先後殉難者凡九人謝邦翰字春池附生易良幹字臨莊羅信

東字介山羅鎮南字曉嵐咸豐三年均從澤南馳援江西七月

至南昌營於德勝門外甫三日擊賊於七里街力戰陣亡同時

湖南通志

卷一百一十一

國朝人物

湘鄉

平

九

死者八十三人候選同知直隸州李杏春初名光焯號石仙廩

生有氣節爲澤南所倚重自澤南倡義殺賊無役不從五年九

月隨攻崇陽克之賊渠楊萬年踞梯木山令杏春偕參將彭三

元往勦之既至營於壕頭堡明日登山擊賊焚其巢忽僞翼王

石達開大股至約二萬人環之數重杏春知孤軍援絕與三元

力戰三晝夜俱被害其弟把總光熾亦戰死劉蕃字子衍號季

霞咸豐三年從澤南平賊郴桂口不言功五年十月隨鄂軍攻

蒲圻之五嶽觀賊壘堅不可下蕃獨身冒矢石首先衝突諸軍

繼之壘遂破而蕃爲飛礮中傷右脇逾時而殞鍾近衝字苔洲

與弟楚池並於六年三月從澤南進攻武昌在城外小龜山陣

亡王嶽卒亦於六年三月從澤南進攻武昌力戰陣亡蓋自邦翰以下皆慕義從軍以佐其師者也均議卹如制縣志

王鑫字樸山諸生母患疽口吮膿血而舌砥之幼時父探其志出語輒驚人父曰此子異日其將爲國家用乎咸豐二年粵逆

犯長沙知縣朱孫貽舉行團練鑫募精壯教戰陣號曰湘勇入

月進營馬氏鋪賊不敢犯三年檄勦郴州竄匪行抵桂東聞江

西龍泉上猶諸縣賊甚熾率勇馳擊次第剪滅師還復勦平興

甯股匪四年進規湖北次蒲圻賊大至戰於羊樓崗失利退保

岳州岳城殘破不可守賊遂上竄湘潭及水陸官軍克湘潭鑫

收集潰散擊賊於雲湖橋軍以再振時粵匪分竄衡永郴桂間

湖南通志卷一百八十一國朝人物湘鄉王

無處不有賊蹤鑫率所部進勦搜獲廣西富川縣印於永明擒

僞王胡其祿於東安斬逆首何祿於郴州殲朱洪英家屬於連

州敗陳金剛於陽山二年之閒諸城皆復賊憚其威呼爲王老

虎相率遠避六年援湖北時官軍圍攻武昌而賊援不絕鑫乃

駐軍上游以綴之曰與賊搏戰陣斬僞將軍張庸宗連克通城

崇陽蒲圻通山四縣鄂軍得以併力攻擊遂復武昌先是鑫積

功洊擢道員賞戴花翎並特給封典至是畱湖北補用加

按察使銜七年援江西時賊據吉安我軍圍之急賊渠悉眾來

援鑫自臨江進師大破之於水東斬僞平東王再破之於沙溪

斬胡壽階已追賊而東連敗之於甯都於廣昌斬其頭目百人

會所派別軍已復樂安遂駐永豐七月楊逆自宜黃來石逆自

崇仁來合攻樂安乃分兵守永豐已則冒雨疾馳既至縱兵大

戰連日皆捷賊大潰鑫自入贛江九十大捷十二而此戰功

尤最於是江西湖南巡撫交章上其功優旨褒獎賞愛什

蘭巴圖魯方規取撫建而以積勞成疾八月卒於樂安年三十

有三事聞詔視布政使例議卹尋贈內閣學士銜謚壯

武湖南江西各建專祠同治元年賜祭一壇鑫少從羅澤南

遊有志正學嘗以出山太蚤爲憾軍中偶暇卽讀書亦時呼軍

士講明大義時稱儒將然性極機警用兵如神能以少勝眾自

岳州挫後益持重營制最嚴其麾下後多爲大帥皆守其成法

湖南通志卷一百八十一國朝人物湘鄉王

名其營曰老湘營云部下殉岳州之難者從九劉常惻字恪臣

咸豐三年勦賊衡郴閒明年隨駐岳州分守南門糧已盡探蔬

掇草而食或勸之行曰吾不可負主帥也堅守數晝夜城破死

之縣志

龍際時字松巖從九品咸豐初縣丞張濟遠督辦永豐團練際

時力佐之及署未陽知縣舉以行適土匪擾境際時勦平之五

年粵逆陷郴州際時率未勇防堵遇賊連戰皆捷賊憤悉眾來

撲戰於郴之油榨墟以孤軍莫支遂於是年八月與其叔吟及

弟虎臣同時陣亡未人立祠祀之際時子順仁亦於同治六年

在湖北斬水上巴河陣亡懷忠錄

劉騰鴻字峙衡生有膽識嘗泊舟湘江遇潰勇甚眾迫於追者欲奪其舟以逃乃以計敵其兵器許匿舟中至湘潭白諸官悉擒治之咸豐四年奉檄募勇堵岳州平巴陵土匪旋隸羅澤南麾下爲湘後營復蒲圻咸甯二城以從九品 賞戴藍翎進攻武昌連日大戰直搗城下旗色黑白後賊望見黑旗輒遠避會大雪諸軍皆弛防獨設備以待夜半賊果出伏發殲其眾又以連克賊壘七座并燒燬賊船升知縣進援江西先所復蒲圻二城仍陷賊再復之並復崇陽入江西境連復上高新昌遂固瑞州城既堅而城外復築壘設卡層列礮位攻之久不下且援賊屢至至輒數萬皆擊退功最以江西直隸州知州用並 賞衝

湖南通志 卷一百八十一 國朝人物 湘鄉

三

大子文

勇巴圖魯七年正月築長壕固之五月賊四門突出我軍分隊截殺賊敗入城七月十一日親督士卒攻城身受槍傷五明日裏傷進攻益力連破數卡城垂克忽飛礮穿左右脅遂歿於陣弟騰鶴字傑人勇敢善戰助其兄攻瑞州營中礮創甚見勸之歸曰賊勢如此安忍舍兄去及騰鴻陣歿督勇繼進且泣且攻即日克之遂乘勝復峽江平吉安以功累擢至知府 賞換花翎九年二月調防彭澤進建德連破二壘直薄城下賊悉眾圍之騰鶴東西衝突既出復入遂戰死照道員例從優議 卹騰鴻 贈光祿寺卿諡武烈瑞州及湘鄉各建享祠而以騰鶴附祀鎮湘字麓雲騰鴻諸父行也咸豐間東南用兵其弟連捷

統帶湘副後軍鎮湘往助之總理營務轉戰湖北兩江誓掃賊氛積功以從九品洊升知縣加同知銜 賞換花翎營捐米千石以賑皖江難民全活甚眾同治元年七月以疾卒於無爲州營次 贈道銜嶽陽字雲階廩生咸豐間與其從兄騰鴻勦賊江右嗣從兄嶽昭統領果後軍令參戎幕後又別爲一軍互相犄角先後隨勦粵鄂川黔等省所向克捷以功累擢至知府 賞換花翎同治四年七月卒於貴州桐梓營次 贈太僕寺卿銜嶽陽弟嶽昀字嵐皋咸豐間入果後軍督隊勦賊兼籌兵食轉戰五省飛挽七年未嘗一日告匱合營皆倚重之累擢知府以道員升用 賞換花翎同治四年八月卒於貴州綏陽營次

湖南通志 卷一百八十一 國朝人物 湘鄉

三

大子文

志

大子文

易景照字星堂以功累擢守備加都司銜 賞戴花翎領外江水師副後營咸豐七年五月與李成謀等攻勦湖口賊壘連戰皆捷賊遁去我軍尾之賊復回關旋又遁去如是者三遂轉戰至德化之官板夾會九江城賊出援與湖口賊合併來拒成謀駛船直進爲賊所圍時已昏黑景照督所部力援之衝入賊陣遂與弟把總景安率其族人軍功定軒壽元及羽吉榮茂名元楚德俊高文質等五十餘人皆死之議 卹有差 志李續賓字迪菴父登勝貢生敦行誼二子在軍中每寄書必勉以忠義咸豐三年羅澤南赴援江西續賓其弟子也奉父命往

志

大子文